

02 心適的迫退物仔

田美瑜

講著迫退物仔，你會想著啥物咧？這馬佇運動埕上時行的，是改良過的軟式飛盤。有一站仔，因仔佇教室誠愛要指頭仔干樂。這站仔個上愛要的，是一種對外國時行過來的物件，叫做『slime』的迫退物仔，因為黏黏閣軟軟，有人共伊號做「鼻屎蟲」。

其實，鼻屎蟲這種迫退物仔，原本佇兩年前就捌時行過。彼陣因仔攞是去簕仔店買，一罐細細細罐就愛七、八十箍，實在是貴參參。有當時材料無蓋好，閣會牢佇課本抑是鉛筆盒仔面頂，實在真癩癩。

想袂到這改鼻屎蟲閣開始時行矣，不過，這擺是因仔家己做鼻屎蟲。材料真簡單，是厝裡就有的物件，親像水膠、白膠、洗髮精抑是齒膏，攞會使成做鼻屎蟲的材料。頂工看因仔提一罐白膠摒一寡佇盒仔內，閣準備一點點仔水，開始用尺佇遐挾挾咧。一觸久仔，鼻屎蟲就做好矣。

有人會較功夫，希望鼻起來有芳味，按呢著愛閣濫一寡洗髮精抑是齒膏入去。啊若是愛色緻較好看，有人嘛會摻水彩落去，嘛有人會摻指甲花抑是掖一寡金粉落去。所以有人的鼻屎蟲是紺色的，有的是粉紅仔色，有的黃金，嘛有的殆殆，隨在因仔按怎做攞會使，閣會使予因仔加添

一寡想像力，莫怪這馬閣時行起來。

看因仔遐爾愛要，我嘛真好玄，共個借一个來要看看。鼻屎蟲摸起來水水，不過用無全材料，成品摸起來的手感就無啥全款。雖然做鼻屎蟲的大部份攞是查某因仔，毋過有的查埔因仔嘛會綴個做伙耍。

有一擺，我共鼻屎蟲 phoo 佇我的面冊，面友攞感覺真心適，嘛引起真濟討論。有一个面友的因仔咧讀國小，面友講伊閣會恰因仔做伙做，這嘛是一種陪伴因仔的方法喔。伊嘛共伊做的鼻屎蟲相片 phoo 出來，伊做的色水誠嬌。逐家攞真好玄，伊是用啥物材料去做的？因為逐家做出來的鼻屎蟲，有的像樹奶糖全款軟莖莖，有的就較有。逐家一句來一句去，認真的態度袂輸因仔。朋友嘛成做逐家的顧問，實在是夠趣味的啦！